

NEŠTO O UDRUŽENJU I AKTIVNOSTIMA KOJIMA SE UDRUŽENJE bavilo u tri godine svog postojanja

Ja sam Saćime omeragić Predsjednica Udruženja za zaštitu okoliša i unaprjeđenje kulture Življenja“ HORIZONTI“ Velika Kladuša BiH.

Želim prvo da Vas sve skupa pozdravim i da se zahvalim organizatoru ove radionice što je pozvao naše udruženje da prisustvuje ovoj radionici i da damo svoj doprinos u radu iste.

Udruženje „HORIZONTI“ je mlada nevladina organizacija, osnovana je u Novembru 2005. godine. Postali smo članica EKUS-a već 2006. Godine. Također djelujemo i u mreži nevladinih organizacija Općine Velika Kladuša. Moram da naglasim da smo postali prepoznatljiva organizacija na općini pa i na Kantonu. Brojimo oko 200 članova. Naši članovi su mladi školskog uzrasta, od osnovaca do srednjoškolaca. Poseban interes za suradnju sa našim udruženjem izrazile su Osnovne škole ,kako nastavnici tako i učenici.

U 2006. God. udruženje „HORIZONTI“ realiziralo je jedan projekat pod nazivom „SNIMANJE EKOLOŠKOG STANJA NA OPĆINI VELIKA KLADUŠA“

Projekat se sastojao od slijedećih aktivnosti:

- Anketa po mjesnim zajednicama
- Izrada reklamnih materijala
- Raspodjela po svim mjesnim zajednicama, školama i ustanovama.
- Javna tribina na kojoj se raspravljalo o anketi i ekološkom stanju na općini.

Sa EKUS-om smo realizirali dva projekta jedan u 2007 godini i jedan u 2008. god. Nosioc na regionalnom nivou ovih projekata bio je EKUS a na općinskom nivou nosilac i realizator oba projekta bilo je udruženje „HORIZONTI“ iz Velike Kladuše.

2007. godine realiziran je projekat „DIŠIMO ZDRAVIM ŠUMAMA“a sastojao se od slijedećeg:

- Kviz po svim OŠ općine Velika Kladuša
- Kviz na Općinskom nivou
- Održane radionice sa nižim razredima
- Kviz takmičenje na regionalnom nivou
- i na kraju održan je okrugli sto na istu temu.

Projekat istog sadržaja realiziran je i u 2008. God. Samo na temu „VODA JE ŽIVOT“

Ovdje želim da naglasim da su učesnice u realizaciji ova dva projekta uzele i neke pogranične Općine iz Republike Hrvatske.

U 2008. God, udruženje „HORIZONTI“ uz pomoć općinskog načelnika i sredstava koja su u budžetu općine namijenjena za NVO zajedno sa MZ Mala Kladuša realiziralo je projekat „IZLET U PRIRODU-ZNAČI ZDRAV ŽIVOT“. Izgradnja izletišta prilagođena je invalidnim osobama kako bi i ta kategorija građana mogla u ljetnim danima da uživa u prirodi.

Problematika na vodotocima Općine Velika Kladuša BiH.

Prirodna bogatstva , među kojima rijeke i vodotoci, darovana su nam i raspoloživa za upotrebu u svim svojim vrijednostima i koristima. Naspram neprocjenjivosti tih vrijednosti, stanja našeg odnosa, raspoloživih mogućnosti korištenja, sve više izražene ovisnosti i potrebe vodnih resursa u budućnosti življenja, ogromna je potreba našeg angažovanja, odgovornosti svih i promjene odnosa prema rijekama i vodotocima.

Na današnjem stupnju razvijenosti, karakteru odvijanja procesa proizvodnje, tehnologije, potrošnje, komunikacija, infrastrukturnih rješenja, standardu življenja, socijalnom i ekonomskom statusu, navikama i nadasve teškoćama u promjenama i prilagođavanju, mi danas po ovom pitanju imamo teško i alarmantno stanje. Jednostavno potrebno je angažovanje svih – zajednica, organizacija, udruženja, privrednih subjekata, institucija inspekcijskih struktura, i najzad najodgovornijih struktura države.

Evropa i razvijeni svijet primjenjuju brojne standarde, regulativu i propise u smislu ovog dijela EKOLOGIJE i otišli su puno dalje ispred nas. Mi smo nažalost još uvijek kod osnovnih pitanja. Naši vodotoci su neuredni ,dakle obrasli raslinjem, zatrpani raznim otpadcima, ostatcima naplavina, izloženi različitim utjecajima sredine i neposrednog okruženja.

Oni su počesto primaoci i nosioci komunalnih otpadaka i sabirnici nekontroliranih dotoka i ulijevanja onečišćenih materija i katkad štetnih za životinjsko i ljudsko zdravlje.

Neriješeni kanalizacioni sistem, te ne postojanje sistema za prečišćavanje otpadnih voda doprinose značajnoj zagađenosti vodotoka.

Mora se istaći nedostatak educiranost stanovništva i drugih veći nosioca zagađenja i otuda neodgovornosti i nepostojanja isparvnog stava i ponašanja prema ovom važnom životnom pitanju, pitanju zdravijeg i kvalitetnijeg života. Bezbroj je nekontroliranih odlagališta i raznovrsnih otpadaka, priključenosti servisa, ispuštanja industrijskih supstanci, direktno ubacivanje krutih otpadaka i slično. Korita su neuređena i tako nije omogućeno na dosta mjesta i samopročišćavanje vodotoka, pa isti talože razne predmete koji trajnije produkuju i pridonose zagađenju. Poseban doprinos ovom problemu su neuređenje površine zemljišta , radilišta, šuma i drugih prostora.

Kratak rezime ove problematike jeste u potrebi definiranja i otvaranja opće društvene akcije predvođene i osmišljene od strane ovlaštenih i odgovornih institucija i organa države.

